

Leev Plattdüütsfrünnen,
´t is al weer so wied, uns Platt-Klön April 19 steiht an.
Dat is – as alltied – weer in de Teeköken van de
Leezder Möhlen **token Freedag, de 05. April,**
Klock 19 Ühr (hento hoogstens 21 h). Wi willen uns
Schooltied weer upropen: “Wat wi Moois un Malls
beleevt hebben, wat wi utfreten hebben – un -
wo uns Mesters daarup anslaan hebben”. Ik
denk, daar kann weer elk un een wat to bidragen,
wi müssen ja all mitnanner eenstmaals na d´ School
hengahn – un so mennigwat is nu, waar dat al Jahren
torüggliggt, mit Smüstern un Gnifflichen weer up
d´ Tafel to brengen. Ik freei mi daar al up. Kraamt
man mit allmann in Jo Bregen rum un haalt all dat
to ´n Vöorschien, wat Ji al faak maal vertellen wullen.
An d´ Enn geiht weer ´n Tellerke rum, um dat de
Heimaatvereen Leez kien Schaa daarvan hebben sall.
De stellen uns ja smaals de Ruum to Verfögen un
versörge uns mit Tee un Kookjes.
Uns DocBriese hett mi noch opdragen, al maal weer
up de Plattdüütsmaant September hentowiesen. Dat is
- bit daarhen - wall noch ´n bietje Tied, man elk kann
dat ja al maal in sien Achterkopp warken laten. Dat
Rebett is “Familienfier (Familjenfier)” un dat steiht
unner dat Richtwoord (Motto) “Platt boot Brüggen”.
Ik finn, dat is ´n mooi Upgaav, waarto wi weer an de
04.09.2019 – 15,00 Ühr - in d´ Rummel van dat Oll
Raadhuus in Nörden binanner komen willen mit eegen
un/of mit frömde Texten.
Jo Adolf Sanders